

**Date – 23/08/2025**

**Time - 07:30 -07:40Hrs**

**AKASHVANI AIZAWL**

**REGIONAL NEWS BULLETIN**

**HEADLINES (MORNING)**

- 1. Prime Minister Narendra Modi an thla thar September ni 13 khian Sairang leh Bairabi inkar Rel kawng a hawng dawn.**
- 2. Chief Minister Pu Lalduhoma'n sawrkar laipua hotute phalna in Mizoram chuan hnamdang hnawhchhuah runpui an nei dawn a ti.**
- 3. Home Minister Pu. K.Sapdanga'n thla thar, September ni 1 atangin khawlai him leh muanawm zawk siam turin Mizoram Police ten beihpui an thlak dawn a ti.**
- 4. President Droupadi Murmu in Promotion and Regulation of Online Gaming Bill a pawmpui.**



**PM TO VISIT MIZORAM**

**Prime Minister Narendra Modi an thla leh September ni 12 hian zan khat riakin Mizoram a rawn tlawh dawn a, September ni 13 ah Sairang leh Bairabi inkar Rel kawng a hawng ang.**

**Chief Minister Pu Lalduhoma chuan nimina MPS Annual General Conference Arya Mess, PHQ-a a hmanpuinaah he thu hi sawiin Prime Minister in rel kawng a hawn tur chungchangah hian Union Railway Minister Ashwini Vaishnaw nen an inbe zing hle tih sawiin Mizoram sawrkar chu theihtawpin a inbuatsaih a ti a, world class rail station-a thum tur leh Rajdhani Express service thei tura ruahman a nih thu sawiin, Inner Line Permit (ILP) check na tur counter an siam pawh pehhelna tur a awm dawn lo a ti.**

**(CM BYTE)**

**Chief Minister chuan Mizorama rel alo luh chuan hnamdang mi tam tak an lo luh tawh dawn avangin ILP check tu tur Police awm sa te chu an indaih loh bakah building leh hmanraw dangte pawhin a zir lo a ti a, hei vang hian ILP endikna chu online a kalpui theih turin hma an la mek a ti a, awlsam zawkin tutenge an awm tur chin pela awm tih te an hre zung zung thei tawh dawn a ti.**



CM

Chief Minister Pu Lalduhoma'n sawrkar laipua hotute phalna in Mizoram chuan hnamdang hnawhchhuah runpui an nei dawn a ti.

He thu hi nimina MPS Annual General Conference Arya Mess, PHQ-a a hmanpuinaah sawiin Mizoramah permit nei lova hnamdang awm an tam lutuk chu Mizoram sorkarin a vei hle a ti a, a hnawhchhuah naah tunhmaa an man khawm a, an haw na tur lirthei an ruahman sak thin ang kha ni tawh lovin, local council huamchhunga phalna nei lova vai chengte chu Police, Local council leh NGO te nen haw turin an hrilh mai tur a ni a ti a, an rawn kalna tur pawh an in ruahman sak theih chuan an haw na tur ruahman sak a ngai lo tih a sawi bawk.

Pu Lalduhoma chuan India rama state ralmuang bera Mizoram an inchhal ngamna chhan chu venhimna hna thawktute vang ani a ti a, ram nuam tehna chu a mipui zalenna leh ralmuanna a ni a ti.



## ELECTRIC BILLING SYSTEM

Tun thla tir atanga hman tan UGO Electric Billing System Software chu Power 7 Electricity Minister Pu F Rodinglian a nimin khan a hawng a, bill pekna thar hi Mizoram puma hman vawikhatna a ni a, mobile android leh IOS application hmangin Mizoram khawi hmun atang pawhin online hmanga bill pek theihna a ni.

Pu F. Rodingliana chuan a vawikhatnan a Mizoram puma billing software thuhmun hman a ni ta chu hmasawna lawmawm tak a nih thu a sawi. Mizoram hmun hrang hranga harsatna lian ber Transformer indaih lohna te phuhruk turin Transformer thar leina tur budget-ah pawisa dah belh a nih thu tarlangin, tunah pawh Transformer thar 60 dang lei belh leh tura buaipui mek a ni a ti a, Mizoram hmun hrang hranga kawlpheha pekna transmission line pawimawh zualte double source nei vek turin hmalak chhoh mek zel a nih thu khuallian hian a sawi bawk a ni.

Tun dinhmunah Mizoram pumah Consumer nuai 3 sing 1 & 130 awmin heng zinga Consumer nuai 2 & 1843 ten August bill an pe tawh a, bill dawn tawh zawng zawng zat hi cheng vbc 17 leh nuai 73 a ni a, online payment a bill dawn zat hi cheng vbc 9 leh nuai 92 a nih laiin, Counter a bill dawn zat chu cheng vbc 7 leh nuai 81 a ni. P&E Dept chuan Online hmanga bill pek uar turin mipuite a ngen nghal a ni.



## POL PARTY PR

Mizoram Pradesh Congress Committee MPCC President Pu Lal Thanzaran Dampa bial lama an Block president pakhat leh mi tlemte bakah 2023-a an party Candidate Pu Lalhmingthanga Sailo ten BJP zawm an tum nia an hriat thu a sawi.

Nimina an party inkhawm, Aizawl-a Congress Bhavan-ah he thu hi sawiin Dampa biala an mite chuan thlemna an do zo lo a ni a ti a, an uiawm a tih rualin an khawngaihthlak a ti a, centrala rawih lam pan party an zawm tur chu an uiawmin a vanduaithlak takzet a ni a ti.

MPCC President chuan I&PR thuchhuaha Chief Minister thusawiah chuan ram zalenna humhim tur leh ramin hma a sawn zel theih nan Prime Minister Pu Narendra Modi a thawhpuite kut tichak tura zoram mipuite a sawm thu an tarlang tih sawiin, Kristian sakhua dodaltu BJP kut an tihchak chuan enge an chan tur chu a hriatthiam theih mai a ni a ti.

Hetihlai hian BJP Mizoram State President Dr K Beichhua chuan nimin vek khan an party Office Aizawlah thusawiin BJP chuan dawt politics an khel ve dawn lova, ramin hmasawanna a hmuh theih nan a thawhin an thawk zawk dawn a ni, a ti.

Dr. K. Beichhua chuan, inthlan dawnah Politician-te'n an tih theih loh tur hmangin, tlin duh avangin mipui hmaah an intiam a, ṭawngkam maia politics an khel ṭhin a ni a ti. Pastor Chhawna inlarnaah chhimlam aṭangin pangpar lo par tur thu a lo sawi lawk tawh chu a thleng mek a ti a, MADC-ah BJP a sawrkar a, LADC-ah BJP kaihhruai a sawrkar mek bawk a ni a ti a. CADC ah pawh BJP lian tak leh ṭha takin an awm mek a, Lunglei khawpuiah pawh BJP rawn zawm tur a inmung mek a, mi ṭhenkhatte'n BJP nih avanga Kristian lo tur emaw tia ngaihna an nei ṭhin chu pawh a tih thu sawiin chhandamna chu BJP nih leh nih lohah a innghat lo a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

HOME MINISTER

Home Minister Pu. K.Sapdanga'n thla thar, September ni 1 atangin khawlai him leh muanawm zawk siam turin Mizoram Police ten beihpui an thlak dawn tih a sawi.

Nimina MPS Annual General Conference 2025, Arya Mess, PHQ-a a hmanpuinaah Home Minister Pu K Sapdanga chuan Mizoram chu ruihhlo in a chiah hneh hle tih sawiin, ruihhlo ngawlvei tam tak zalen taka khawlaia leng thin te chuan mipuite zalenna a nekchep a, zarah chuan hmeichhia chu sawi loh mipa pawh lenpui nei lovin khawlaiah vah mai mai ngam a ni tawh lo a ti a. Ruihhlo ti mite avanga mipui nun chep pah chu a thlen an phal reng tur a ni lo tih sawiin, September ni 1 atang chuan khawlai him leh muanawm zawk siam turin beihpui thlak tumin Mizoram Police hotuten ruahmanna an siam tih a sawi a ni.

Home Minister chuan ramri kil tin atanga ruihhlo lo luhna te zirchian mek a ni tih sawiin, karlehah Mizoram Police hotuten a hmunah an luhchilh

dawn a, Excise Force te leh tlawmngai pawlte nen tangrualin ruihhlo do beihpui thlak tum a ni a ti a, Mizoram chu ruihhlo leh ngawlveina laka chhanhim turin theihtawp chhuah tum a ni tih sawiin a bultan hautak hle dawn mahse Police officer te leh tlawmngai pawlte zarah beiseina sang tak an nei tih a sawi a ni.

Home Minister chuan Police post ruak 4,717 a awm mek tih sawiin, sanction post zat atanga chhutin zaa 39 ruak ang a ni a ti a, civil dept lamah chuan post ruak zat hi pawl lutuk angin lang lo mahse Police Department-ah chuan hnathawh kawngah a pawl pha tih a sawi a, Police chu hmun tina inzar pharh a, hmun pilril zawk luah thin an nih avangin Police hnathawh chak ti harsatu pakhat chu officer, office leh quarters awm tha tawk lo a ni tih a sawi a, Thenzawl PTS chu cheibawl mek a ni tih sawiin, PTS chu basic training nan chauh hmang lovin, Police rank hrang hrang te chu short term refresher course training neih nan hmang thin turin a chah a ni.

<><><>

## ONLINE GAMING BILL

President Droupadi Murmu in Promotion and Regulation of Online Gaming Bill a pawmpui.

The Promotion and Regulation of Online Gaming Bill 2025 hi Information and Broadcasting Minister Ashwini Vaishnaw a putluh hnuah Parliament in 2-in an pawmpui a, Information and Broadcasting Minister chuan Online Gaming chu thalaite tana hmasawna tur zawk leh changkang zawka siam ani tih sawiin sum inthapna leh diklo taka lak an khap thung a, hremna na tak a awm tawh dawn a ni a ti.

Electronic and IT Minister Ashwini Vaishnaw chuan online money gaming chu mihring hriselna in a tuar theih thu sawiin, money gaming vangin in chhungkaw engemaw zatin sum lam ah harsatna an tawh phah tih sawiin, Minister chuan Money gaming chuan sum leh pai lam a inbumna a thlen nasat thu a sawi bawk a. Online games avangin kum tin in mi vaibelchhe 45 velin cheng vaibelchhe engemaw zat an hloh thin ni a chhut a ni a ti bawk.

Minister Vaishnaw chuan bill hian kawh 3 a neih thu sawiin, chungte chu E sports, Online Social games leh online money games te an ni a, sawrkar chuan E sports leh online social gaming hmasawna turin hma a la dawn tih a sawi.

<><><>